

Haya - Bakazi Ebihandiko Bitakatifu - Wives Scriptures

AbaEfeso 5:22-24 Inywe bakazi muhulire bashaija banyu, nk'okwo mulikuhulira Omukama wenene. 23 Omushaija n'iwe aba mutwe gw'omukazi, nk'okwo Kirisito aba mutwe gw'enteko, nigwo mubiligwe, mara n'iwe murokozi w'enteko egyo. 24 Nk'okwo enteko ehulira Kirisito, n'abakazi kwakwo bahulire baibabo omuli byona.

AbaEfeso 5:31,33 Orwo bili biti, omuntu arasigagaho ishe na nyina ajwangane na mukaziwe, bombili babe mibili gumoi. 33 Ahonu buli omoi agonze mukaziwe nk'okwo wenene alikwegenza, kandi n'omukazi ateho aga wenene kukunira mushaijawe.

1 AbaKorinto 7:3-5 Omushaija ahe omukaziwe ehaki z'obushwere, kutyo n'omukazi abe nikwo akolera mushaijawe. 4 Omukazi tageleera mubiligwe, shana nigugeelerwa mushaijawe. Kutyo n'omushaija tagelera mubiligwe, shana nigugelerwa mukaziwe. 5 Mutakwangirana, shana kuba mwikilijainye aha rw'enshonga, mushobore kugira eibanga ly'okushoma enshara. Kyonkai mushube mube hamoi, Sitani ataija akabalengesa omu kulemwa kwetanga.

1 AbaKorinto 7:34 kityo nagira emitima ebili. Omukazi anga omwisiki atashweirwe nahwahwanisibwa eby'Omukama, okwo araba mutakatifu aha mwoyo n'aha mibili. Kyonkai omukazi omushwerwa nahwahwanisibwa ebintu by'ensi, okwo arashemeleza iba.

AbaKolosai 3:18 Inywe bakazi muhulire bashaija banyu nk'okwo Omukama alikugonza.

1 Timoteo 2:11-15 Omukazi amanye kugira omuhuliro nyantayuga obuzira kukeleekeza rulimi. 12 Tindikujubura mukazi kuba niwe ayegesa mushaija handiki kumutungama aha mutwe. Naragirwa kwesiza. 13 Aha rw'okuba Adamu niwe yabumbirwe mbere, Eva yaruga nyuma. 14 Adamu tiyabeihyabeihirwe; omukazi niwe yabeihyabeihirwe akafakara. 15 Kyonkai omukazi alirokorwa okuzara abana, k'aliguma omu kwesiga n'omu ngonzi akaikara ali mutakatifu mara akaguma ayebaliire.

Genesis 3:16 - 1 Petero 3:1-6 Inywe bakazi muhulire bashaija banyu. Ka haraba halaho abatalikwikiliza kigambo kya Ruhanga, bashobore kuhindurwa emirolere ya bakazi babo bataina kigambo kyona kyona ekyo babagambire, 2 orwo barabona emirolere yanyu emirungi

eschemeire. 3 Okwechuma kwanyu okw'emibili kutagiramu kusiba ishoke, okwelengya n'ezahabu n'okujwara ebischemeire. 4 Okwechuma kwanyu kube kw'omunda aha mitima, ekijwaro ekitafa eky'eibare ly'eiguzi eky'omwoyo gw'obufura n'obuchulezi, ekirungi muno ahali Ruhanga. 5 Nikwo n'eirai abakazi batakatifu abamanyaaga Ruhanga n'okuhulira baibabo bajwaraga. 6 Obulebero ni Sara; yahuliraga Aburahamu namweta «Mukama wange.» Leba mbwenu inywe muli baana ba Sara kamurata nimukorage mutualikusindikwa butini.

Tito 2:1-5 Kyonkai iwe ogume, oyegese eby'amazima. 2 Ogambire abagurusi bamanye okwebalira, bagire obwelinzi, bakoze amagezi, bagume omu kwesiga n'omu ngonzi, mara batahindukana. 3 Abakaikuru nabo kutyo, obagambire bekunire omu migilire, baleke okugonza enkuru n'etamiiro. Begese ebintu birungi, 4 mara begese abakazi bato kugonza baibabo n'abaana babo. 5 Babe bantu b'amagezi, bagire obwera bw'omwoyo, bamanye amaka gabo, babe bafura, kandi bagire omuhuliro ahali bashaija babo, ekigambo kya Ruhanga kitaija kikagaywa.

1 AbaKorinto 11:5-7,10 Kyonkai kaishe mukazi ashoma enhara anga akabaasha atajwete kihundwi aba nakunukuruza mushaijawe, omutwegwe; nikyo kimoi nk'okwo yakuba amoisize eishoke. 6 K'omukazi arabu atayetaireho kihundwi, aho eishoke alishare. Kyonkai kakiraba kili kihemu omukazi kusharwa eishoke, ahonu ayeteho ekihundwi. 7 Omushaija atayebunda mutwe, aha rw'okuba aba nshusho ya Ruhanga mara kitinwakye. 10 Niyo nshonga omukazi naragirwa kuteka ekihundwi aha mutwe aha rw'abamalaika.

Nfumo 12:4; 14:1; 19:13; 21:9,19; 25:24; & 27:15,16 - contentious & angry Bakazi

Nfumo 31:10-31 - The Virtuous Bakazi

**Pastor T. John Franklin
Church of Salvation, Healing, and Deliverance
COS-HAD.org**